

晚晴移詩匯

晚晴移詩匯卷一百十九目錄

周玉衡 一首

葉樹東 一首

高學濂 二首

周向青 一首

劉增 一首

許喬林 二首

張宗泰 三首

戴雲官 一首

沈欽韓 十九首

劉寶樹 三首

程虞卿 九首

杜煦 二首

臧壽恭 三首

晏貽琮 六首

文良策 三首

吳維彰 五首

石承藻 四首

陶樑 十二首

錢林 二首

劉嗣綰 十二首

錢儀吉 三十二首

查元偁 八首

茅潤之
四首

晚晴簃詩匯卷一百十九

徐世昌

周玉衡字潤山荆門人嘉慶丁卯舉人歷官江西按察

使殉難諡貞恪

詩話貞恪初作宰有政聲游陟監司粵寇來犯提師守吉安被圍六十餘日城垂破題詩壁上誓以身殉卒踐其言

題壁

株守孤城閱幾時
瀝心血盡絕援師
兵因食盡難言戰
家望生還未有期
蹈刃方能徵學養
瀕危深恐愧鬚眉
孤臣一死終何補
慚慙君恩報已遲

葉樹東字雲陸仁和人嘉慶丁卯舉人歷官成都知府

題蔣榮青觀察池塘夜雨圖

梅花如雪綺筵開
官閣書聲親聽來
我是吹笙王子晉
十年三度到蓬萊

高學濂字希之無爲人嘉慶丁卯舉人官資州知州有
希齋詩存

蕪湖來佛亭訪任松生卽贈

冒雨來湖上尋君此一過
水聲當枕起山色到門多
旅食近無恙飄萍終奈何
有家歸未得空歎鬢毛皤

滕王閣

佩玉鳴鑾渺列仙
空留高閣敞江天
地當水驛千檣集
名借詞人一序傳
賓主逢迎眞盛事
風雲作合亦前緣
我來不盡登臨興
依舊湖山起暮煙

周向青字蘇門錢塘人嘉慶丁卯舉人官漢陽知縣有

句麓山房詩草

江城

江城高下盡樓臺
眼見清明羯鼓催
筍籜半因雷後拆
杏花偏向雨中開
春江沙暝魚先出
深巷泥空燕未來
如此風光真不惡
未妨頭白簿書堆

劉增字益仲號石礮安陸人嘉慶丁卯舉人官英德知縣有橫山草堂詩集

彭澤

層城緣曲岫岫斷見城陰
高士去不返雲山青至今我來
貰尊酒坐對一囊琴何處暮颺起
泠泠絃外音

許喬林字貞仲號石華海州人嘉慶丁卯舉人官平陰知縣有弇榆山房詩略

送唐鏡海訓導鑑之官岳州

洞庭地僻官宜冷，拄笏看山氣倍清。
綵筆健開詩別境，吳船迅及雁歸程。
翠分岳色遙通峽，綠淨湖光直到城。
領取昔賢憂樂意，他時功業屬儒生。

湘潭館陳滄洲先生手植槐

虛宿之精落公手，化爲此樹森高寒。
綠雲戰雨忽百載，蒼根拔地中孤蟠。
一段青銅高過屋，年年目飽冰霜足。
貞幹猶疑宿彩鸞，丹心真合供神燭。
琪林碧樹空清高，幸草凡花都媚伏。
表祥殊似建隆觀，流芬併勝音聲木。
長安馳道千萬株，鼠耳兔目爭扶疏。
卻到城東譽嘉樹，樹猶如此人何如。
當日盲風吹雨黑，獨對青天不改色。
雷霆在上鑒此心，枝葉雖多心自直。
溫室歸繙種樹書，留伴雲根耐剝蝕。

想見長鏡孤往時護持只信神明力江南是處皆棠陰海
上人來增歎息先生樹木如樹人百年落落樹亦神槐花
滿地踏秋雨我是先生舊部民

張宗泰字魯巖魯山人嘉慶丁卯舉人官河南教授有

魯巖餘事彙

詩話魯巖生長山縣癖嗜讀書爲校官二十餘年益肆力於學每讀一書旁通取證評其得失正其訛外補其未備自編爲所學集阮文達晚年見其校正淮海英靈集異之及往謁古樸如農夫談人有學士大夫所不及嘉其能讀人所不讀之書又喜論詩勉其續漁隱叢話識力爲之有餘贈聯云力學不隨流俗轉著書須及老年成其詩話未就詩亦無多樸澹如其爲人

鄧山道院

鄧山山下路仙居幽可尋萬木環古觀秋老猶陰森我來
日已昃鈴鐸闕清音天寒樹陰薄時見下飢禽道人三五

東坡全集卷之二十一
三
輩癡坐兀似瘖，
摳衣登層閣，
延眺滌煩襟。
山風悠然至，
詩對遙峯吟。

獨樂園

中外推全德，
園林忍自寬。
十年同放逐，
此日乃盤桓。
鳥不禁投宿，
枝惟翦礙冠。
退猶思擇物，
莫作邵窩看。

弔禪陵次姚春木韻

荒榛鬱鬱鎖蒼煙，
駐馬山城望畢然。
千古何勝亡國恨，
幾人曾獲令終年。
長官酌酒重陽節，
牧豎高吟落照邊。
疑冢阿瞞何處是，
有懷休更問青天。

戴雲官字卧白，
贛縣人。嘉慶丁卯舉人。
官鉛山教諭。有培花小園詩鈔。

九日信州登高用杜韻

遙聞塞北雁聲哀縱目屏南鶴影回萬里雲山隨地闊一
江波浪接天來秋花舊覓陶潛徑倦客頻登子美臺垂老
他鄉歡此會且將桑落倒深杯

沈欽韓字文起號小宛吳縣人嘉慶丁卯舉人官甯國
教諭有幼學堂集

詩話文起以樸學著稱並世名流縉紳最盛著述彙
本舊在上海郁氏宜稼堂莫友芝假觀散落於外兩
漢疏證特爲鉅編浙局未校訛放百出餘多經
潘文勤及張文襄付廣雅書局刻行又有范石湖詩
注爲阮序所未及其駁金石萃編條記鉤致精密駢
文雅贍希蹤雅威詩集十七卷學人之作胎息未深
似董浦之摹擬韓蘇而不免窘於邊幅有金元
宮詞各百首足與周范分遼宮詞並資掌故也

河內

太行走幽都昂首始欲放翠色灑晴空奔雲掣奇狀濟源
王屋來澎鼻誰能障挽強角大河激箭出其上邑居固殷

振表裏實雄壯晉文啟南陽伯業乃高抗寇公昔剖符日
光耀甲仗長鯨十萬崩洛城氣沮喪藹鬱桑棗陰厓屢雉
堞向據鞍望黃華攬古神猶王復憶屠沽豪井里一相訪
崩褫指故基仿佛濁鹿城獻帝辭天位投閒此吞聲何知
舜禹事強飾揖讓名幽囚結氣慘備恪假禮羸竟保天年
歿復土禪陵成效攘心不愧猜嫌意猶輕殘忍肇寄奴解
綬無活情展轉絕命祝天家勿復生菟裘甯非幸傷哉榮
悴并

竹林尙修修貞萋破愁寂榛路鳴細泉苔扉倚敗壁風流
緬嵇阮巾瓶恣游歷世網致流離山河逝良覲陳迹復千
年蛛絲古龕冪俗物忤良多賞心眇難覓高蔭昨交衢小
集橫槽榼酒壚聊駐車鍛竈近排壁風塵傷老醜朋好感

離迷落日滿蒼山憑矜愁短遂

蟠螭山石壁斗入湖中

雲根插湖中高浪怒不受陽侯施斧鑿渾沌判牝牡飛沫
高濺面暗流深注白舒嘯據屣屣披襟豁塵垢水天目擊
窮煙墨山積厚石氣砭禪心花跏粲佛口陰崖拂叢篁織
颺醒宿酒涓涓乳泉滴岌岌卧羊走更期風雨中掀舞聽
鯨吼

沿西磧至石樓高山削天隙處皆梅花湖中島嶼映

帶日晚詠歸

永日湖山中逕復勝撫玩往景神未憺新眺賞屢換崇巖
若礙眉絕磴每振腕積水層雲縫芳林隙風竄晶晶白銀
闕亭亭青玉案披香遞高下點黛時聚散川霓吸冥濛山

鳥度凌亂澄鮮帆色開皓皜屐齒斷荆班眞坐忘筍將告
日盱清泉聊復濯塵顏久自歎松梢有餘青炊煙起山半
次日梅花已落坐聖恩寺還元閣飯訖登銅井山絕

頂

風日逾暄妍遨頭輸先輩映水苔枝空迎面玉塵碎國香
已謝華天采各舒態古寺循鐘魚敝閣飽筍菜討春有餘
勇振奇無別隊松籟散風琴谷淙聚雲碓斗折疑絕蹤蛾
傅已騎背天高逕手招石頑叩臆對洞戶剖蟆傲井登滄
膏黛崩峭窮百級屏顏盡一概彈山獨兀傲青旻未排退
冷然發冥悟勝游儻思再

宿海會禪院

諸天香雲散曠暄虛堂僧定鐙火昏徒歌杳杳發孤榜青

燐燄燄歸荒村鴉翻人影戛林樾鼠窺佛座鏗瓶盆月斜
磨鎌界屋角雨足滴乳沿松根壁間龍象吐光采牙鬚磔
裂驚心魂頗疑石幢幡影颺散花一捻長又痕紵衣感秋
覺痒瘰鑪香達曙猶溫磨吟蟲孤迴夢境切法鼓鬩溢潮
音奔繩牀一宿亦前定方寸暫息波流渾眼中宗雷皆俊
侶團坐相共無生論各縈俗累不可駐何時結社開雲門
扁舟江漲垂柳礙芒屨逕滑叢篁捫袈裟香染應滿裊剎
竿回望迷朝暾

石公山

玉山翠煖煙茸茸白鷗一點指青銅月戶雕劖乳髓結水
官穿穴靈根通初攜銀刀整隊伍忽互鐵壁撐圓穹誰覩
蟆背劃神劍卻便渴吻垂長虹梯空木薦欲起痿磕浪金

奏如震聾不辭濺面竦石丈差勝沒髻嗟銅翁陰崖側瀉
修紳白長檣斜挂圓鉦紅尙思水犀耀組練極競茶火橫
鰲臙秀眉暈入句踐國精矚光射馮夷宮怒濤入夜轉急
碓新月赴暝猶弛弓聲撼蛟鼉枕兀夢影觸竹樹鐙搖風
擬將險語壓百怪自慚筆力非韓公

和周保緒常副將軍折槍歌

常開平槍于鄱陽湖得之

將軍發迹牛渚磯銅頭鐵額摧童麋手中丈八寒骨白神
州一掃窮朔陞鞋山合圍戰鼓竭沔陽漁子氣咆勃萬人
呼號玉蝀光膽落江神掀貝闕妖星雨急罌子口虎魄墮
地羣狼走將軍呼酒解禡襦大羽腰間猶剩否黑蛇掘斷
波心擲千歲老蛟吞不得魚蠻冒網半段強齒齒濤痕前
血色周郎寓目快作歌泥沙散蹙三摩挲淬鍊一朝鍾鼎

出壯士從此挽天河君不見秦武衛殿庭肆設瑠戈貴又
不見王彥章廬陵嗟歎記鐵槍男兒所遭亦間闢金錫躍
治誠不祥周郎武庫艱一試剛弩遠循土花翠榻來麟閣
自賞詩拈弄毛錐愈有味聊看退筆滿牆根亦似將軍折
槍棄

立夏後荆谿周進士濟偕徐呂諸子放櫂過香谿招

余遊西山

邱壑攜琴往江湖載酒同燕低颿葉雨人倚釣絲風豆莢
疏籬外松花古寺中預宜排筆研佳處理詩筒
小艇鳧翁逐桑陰又一村疏鐘催客飯幽鳥應僧門籜解
先棊響花飛上酒痕三條黃篾束便擬坐雲根

發臨潼寄周劔雲

殘燭映天曙涼蟾猶在庭泉邊雲氣白霜外草痕青古道
飄牛鐸遙原縱鶻鈴懷人正有夢峭蒨隔蘿屏

訪元使郝伯常被留眞州忠勇軍營故處

軍府行人老平章召寇深北來蘇武節南向魯連心潮落
魚蠻唱風高馬客吟退飛甘作鷁浩蕩帛書沈

華州

鎮國軍鋒建將壇清笳候火報平安西迎高掌銀刀駐東
下羣冰鐵馬攢是處老罷當道卧何人春燕倚樓看潺潺
一帶羅敷水鞭影潼關送夕寒

登孟縣城樓

峭勢南迴潘樂城牙旗霍霍壯東京龍門積雪隨流下少
室浮雲與岸平血漬金隄霾土色風來玉壁撼軍聲塵祛

一 參延斜日又逐幽州馬客行

兗州

南樓縱目揖晴嶸風入軒窗四面清
鉅野尙浮蛟蜃氣虛堂如聽管絃聲
雲來海岱晴迷樹雨過鳧蒙翠繞城
安得竹溪追六逸龜陰田挽一犁耕

拜眞州文丞相祠

破碎山河一鳥投蒼茫宮闕六鼇浮
草間涕泣南冠侶壁後紛紜東府謀
揮手自題蘇武象脫身誰刺伍胥舟
瓣香應共厓山祝魂魄那能戀此州

秦中早秋

渭水西風一夕寒鴛機新月盼刀環
爐香蠟淚誰家思乞畫江南數疊山

空堂蟲語答鰾鰾雲閣林梢雨意酣敲枕疎鐘清客夢依
稀茅屋研山南

劉寶樹字幼度號鶴汀寶應人嘉慶丁卯舉人官五河
教諭有娛景堂集

薄暮自京口揚帆夜抵棲霞

一葉乘風去青山兩岸分峯高微礙月嶺斷澹連雲亂竹
鷗羣路平沙鳥跡文棲霞何處是鐘磬半空聞

智者橋

縣志泚水農朱國卿七十無子盡出
所積建橋喬侍讀萊名曰智者橋

杖策郊垆外長橋臥遠村品題三字重名姓百年存地豈
劉纏國田非鄧艾屯畫川風景異流水斷柴門

偶成

濃春煙景盡銷沈槐夏風光歸思深最不可人花裏菊十

分秋意似儂心

程虞卿字趙人天長人嘉慶丁卯舉人有水西閒館詩
客中聞蟋蟀

黃葉未成響先教聽此聲清秋無限意良夜爲誰鳴我自
憐多病蟲猶訴不平關山勞夢想孤館月華明

贈冒聖農

耕德

卽送南歸

君乃巢民五世孫襟懷磊落真絕倫元龍豪氣那足數寶
刀結客餘風存燕市高歌發長嘯劃然如見江南春我本
楚狂友更耽高陽酒歧途落拓二十年侯門不肯輕低首
憶昨文章謁巨公雪泥踪迹留飄蓬忍使秋風坐蕭瑟寒
雲敗葉金臺東送君此行勿悽切到家好踏香林雪

香林
在水

繪園

君不見龍樓鳳闕雙徘徊清時廊廟方愛才明年春

色上林早馬蹏快逐東風來

牛頭塞

曉發牛頭塞輕車擇路行風聲號大壑雲勢壓長城荒驛
三年夢征人萬里情飄零餘一劍珍重寄平生

錦州道中

館驛亂山隈征車夕照催途長人意倦地險馬行猜秋氣
來榆塞涼風起蝸臺不須思蜀道我乏濟時才

鳳凰城卽景

邊城迢遞亂峯隈鵬鶚青良山二對面開林外風腥知虎過
山中月黑覺雲來臨秋已怯清霜冷入夜愁聞畫角哀回
首青門關塞阻梁園應憶舊鄒枚

旅館題壁

疲馬長愁遠道艱一鞭斜日亂峯間炊煙黑壓平頭屋暝
色紅分對面山躡躡歧途憐趙客隔鄰鄉語異吳蠻深閨
料有金釵卜此夜遼西夢未還

仙人臺

秋末登千山躡足最高頂霽色到香巖層塔立邊景俯首
睽滄波海氣騰足冷昔傳有仙人對弈酌清茗石坪尙零
星露下鶴聲警我讀招隱篇韻落千峯靜仙人竟不來空
臺弔孤影古寺鏗飛鐘天風獨延頸

看牧牛

邊城秋到霜飛早塞草蕭蕭折北風一角發聲沙磧裏萬
牛回首夕陽中職當擾猛還誰任飢爲求芻卽爾功我是
吳人休問喘垂鞭且控五花驄

和梅菴先生歲杪言懷原韻

壓鬢清霜冷玉簪關山殘雪寄孤吟千秋白傅青衫淚一
片樊南錦瑟心鶴病未須醫俗藥梅開那用辟寒金扁舟
一葉尋知己同話雙梧落月陰時住節署
雙梧館

杜煦字棣君號尺莊浙江山陰人嘉慶丁卯舉人道光

元年舉孝廉方正有蘇甘廊詩集

詩話尺莊性澹退再應禮部試即不出教子寶辰讀
寶辰成進士官刑曹亦令引歸宗滌樓以段干木申
屠蟠擬之詩清華雅贍
七古尤奔放有奇氣

梅山謁仙尉祠

高風已隔三千載想像逃名吳市間新室倉皇文母璽孤
臣涕淚漢家山只今青史留封事如此紅塵肯抱關雲外
九江何處是故鄉應有鶴飛還

芙蓉萬柄古祠前遺像鬚眉尙凜然
亂世餘生無姓氏奇才未著有神仙
春朝簫鼓三間屋月夜清幽一勺泉
小折馨香親手薦片時停漿夕陽天

臧壽恭原名耀字眉卿長興人嘉慶丁卯舉人

詩話眉卿精春秋之學成左氏古誼六卷尤長史才著有南都事略其書不傳

讀南宋雜事詩題後

宗社猶存半壁支可如西晉渡江時
憐他宗岳皆名將只遜溫陶被主知

一代興亡事可尋蘭蕕區別費初心
如何絕代芳華手但向叢殘拾碎金

樊榭曾編紀事詩詞人疏放史裁遲
後生已晚殷勤甚舊作龍州試管窺

晏貽琮字幼瑰號湘門新化人嘉慶丁卯舉人有過且

過齋詩集

詩話湘門舉於鄉年甚少刻意爲詩初自昌谷入進
爲韓柳爲姚馬爲儲孟歐陽稠東鄧湘臬函稱之序
二十九卽卒蓋猶未竟
其業而所詣已自可傳

陶琴垞明府索觀近詩誇之過當他日有寄

我生好吟哦無病常自灸焉知入膏肓有藥不可救傲帚
聊自享醬瓿豈堪覆昨者從南來三見春月穀蕭然絕車
騎疏簾挂清晝徒聞羣蛙聒未覩蛟龍吼凌晨聞叩門晏
子方南首披衣不及帶倒屣出迎窟入門氣軒昂高談走
飛溜眉間一道青照見西山秀索我袖中詩一見輒心售
宿瘤眾所醜瘦骨公獨購未曾施鞭箠遽先飾文繡中原
盛旗鼓先生爲領袖要當掃淫哇未可飾凡陋嗟余何所

成聞此但顏厚肩牆煩屢窺朽木何足鏤乞公韶獲音洗
我箏笛奏

秋懷

愁人如寒雞獨起夜方半吟蟲入我闥似感時節換我本
山中人何爲在羈絆野鷗謝洲渚低頭就芻豢偃僂揖向
人何異冰與炭邇來益疎懶十日九廢盥雄劍半已摧愁
冰苦難泮新絲蠶自裹故紙蠅徒鑽久留笑浮梗屢試見
磨鍛應念馬少游逍遙騎款段

憶昔離家初招搖正東向蹉跎遂及茲五見絡緯唱別時
送我人近聞半凋喪想見故山中纍纍鬱相望而我在風
塵焉得長少壯感此淚如雨中宵發悽愴夜闌新露重涼
月漸東上雖嗟歲華晚稍覺天宇曠會當理歸榜安能事

依傍濁醪幸可飲到口君莫放

法雲寺觀元照禪師藏懷素藏真律公帖題其後

粥香長者善調香優曇華鉢金輪王莊嚴妙相三十二夜
放頂上真毫光我師頭陀現本色須彌照耀東南方天晴
無風日開霽蠶書一一珊瑚裝中有藏真律公帖目未及
覩眉先揚想當解衣氣磅礴筆力可挽干石強眞龍天矯
自空下飛騰入腕何茫茫須臾百紙立掃盡墨痕一縷中
藏芒王氏之間伯仲耳神妙不數崔與張弇州論書以年
斷強作解事欺聾盲師歸兜率已千載字向紙上猶軒昂
護持幸仗佛力大恆沙算數知無量千文一卷絕可惜面
目雖是神先亡流傳要亦自有數書妙所貴刻手良後來
得師筆外意宋人獨許涪翁黃天門蕩蕩不可至日暮悵

望疲津梁低徊掩卷復三歎跋尾爲君歌此章

鐵佛寺

迢迢北城外中有歡喜園梵誦寂無響松風寒到門山僧
掃磐石野客開清尊歸去碧雲合蒼蒼煙樹昏

游寶藏寺

崢嶸樓閣俯層巒纔入閒庭眼覺寬幾日東風猶料峭一
年春事已闌珊雲移塔影當窗見松撼濤聲作雨寒多謝
老僧分芋意此生無夢到金鑾

文良策字對三一字漢卿益陽人嘉慶丁卯舉人有漢
卿遺集

紋波洲

紋波洲上望極目接蒼茫水落魚磯淺天空鳥道長一聲

歌欵乃孤櫂倚滄浪處處吹笳起斜暉野寺旁

餞春

爲問東風安所之今宵留住綠楊枝從來對酒易惆悵況
復送春傷別離萬事驚心多故物百年分手幾前期子規
與汝干何事嗚向人前十二時

夜次鸚鵡洲

不從大道繞襄陽已報前頭是武昌江漢夜寒春似夢樓
臺人靜月如霜賦成鸚鵡終無命立向煙波一斷腸擬把
孤墳較疑冢年年草長問誰芳

吳維彰字晦亭廣東順德人嘉慶丁卯舉人有古人今
我齋詩集

汾江送家敘敬之遷江

古渡落黃葉西風江上愁何堪長病客復送遠行舟海色
黃牛暮灘聲白馬秋相思若汾水千里共悠悠

寄逢石

珊瑚洲上越王臺漠漠扶胥海色開黃木瘴消炎日上白
鵝風急怒潮來錢山使者降蠻策銅柱將軍馭虜才君上
城南閒眺望坐愁章句老蒿萊

汾江夜別黎蒼雪

契闊恩方重艱危命易投死生雙涕淚風雨一扁舟野火
明山屋寒更出海樓猶疑川上望回首荻蘆洲

中宿峽

江風流輕帆入峽忽瞬息二禺突兀來瞥眼若新覲羲輪
晨無光天瘦壁面窄陰崖蓄孤高勢與陽崖敵草木胎精

華暮冬見春色蒼茫雲水間氣候太古積夙聞二帝子高
栖有遺宅截竹鳴鸞凰天吹空遙憶葛洪與達摩窅窅仙
佛迹孫恪亦奇緣歸猿何由覓勝事煙雲流往輒成故昔
子亦片時客百年幾覽歷風塵念前途對景倍珍惜長羨
飛來僧眞機守靜默

滇陽峽

雲端懸雙崖鬼斧劈劍閣韶州雄峽江天險此開鑿飛牽
何迢遙百丈下無泊仰穿梯磴牢俯覺坤軸弱山風虎毛
腥野果猿臂落行人慘不懼絕壁孤影著滇流向轟騰合
湊險較惡龍頭高昂藏鼉背奮磅礴往往爭迴瀾千篙一
石搏生非輕江潭性命駭窮薄山童歌牯牛出峽如夢覺
石承藻字黼庭湘潭人嘉慶戊辰一甲三名進士授編

修厯官工科給事中有桐葉山房詩草

詩話康熙間湘潭石天際明經崙森走京師於西直門候後聖祖駕出訴民間疾苦令還里候質頗能申其說後爲怨家所中死於市讎庭其四世孫也讎庭抗爽有家風卒以湘潭客民械鬪之獄牽連獲譴集獄中寫金剛經後七言長篇則紀明經父逸莽國初以與聞起兵洞庭下獄得脫事始末蓋自逸莽大父軫餘副使萬程仕明季許瑞著直聲以任俠世其家至讎庭已七世而猶未沫也

雨中登拱極樓

危樓懸百尺四面做簷楹雨重雲迷嶽江空浪撼城千櫓收浦暗一鷺立沙明清絕瀟湘地應深弔古情

由橘洲渡嶽麓

汀洲微雨後碧草正萋萋遠水數帆出春城一角低泥香看燕掠樹密有鶯嘯共話船齋事亭亭日又西

渡揚子江作

江天一望晚蕭蕭揚子西風上短橈隔岸夕陽京口樹中
流雨色海門潮金山寺古鐘聲出鐵甕城荒霸氣銷鼙鼓
從來征戰地誰尋故壘問前朝

送鮑漱六

定王城外柳毵毵二月鶯花畫意酣相送河橋一回首綠
波春水似江南

陶樑字甯求號鳧鄉長洲人嘉慶戊辰進士改庶吉士

授編修官至禮部侍郎有紅豆樹館詩藁

和春圃曰先生方壯盛以文詞號當時由翰林出守
郡海至監司入憲名卿爲少宗伯猶以風雅提倡日
下名流時年已八十餘詩之教溫柔而敦厚古昔作
者多至耆耄而躬貴壽之福願其人與其詩亦必得
於天者獨優一歸於夷猶冲逸若別有所悠然而自
得者每於先生私有會焉張詩齡曰王述庵少寇

湖海詩傳金石萃編之刻鳧鄉先生實與搜羅校勘
先生愛才恤士又復留心文獻故鄉邦斯文繫屬漁
莊而後咸推鳧鄉大年碩望亦如驂之靳平居論議
平實見後進有學識者輒矍然虛抱惟恐不罄挹所
長老成典型
於是乎在
詩話道光初崔念堂高寄泉采輯畿輔詩未成鳧鄉
守大名延寄泉於署齋課子與梅樹君邊袖石商推
選事得詩八百六十餘家刊畿輔詩傳六十卷晚官
京朝與詩於向書同爲者英領袖有詩云八十朝班
同輩少三千矩步聖人知白注余日行三千步寒暑
不輟會於召對時仰蒙垂詢甚悉卒年八十六門人
樊文卿彬校輯詩彙十四卷別有晚香唱和集紅豆
樹館詞書畫記詞綜補遺諸編湖海詩傳所收則皆
其少
作也

卽事有感用東坡定惠院海棠韻

樗散眞同不材木偃蹇名場容我獨早看同輩上青霄轉
悔當年墮塵俗譬如周道壓平坦偏向崎嶇歷崖谷宦游
條逾三十載歸去都無數椽屋書帖有時臨乞米骨相本

來非食肉側聞東南夷患劇國家兵力苦不足老弱充數
應徵調載胥及溺何能淑市井惡少備宿衛江湖游士任
心腹解散紛紛競棄甲摧陷往往成破竹可憐瀕海十萬
戶奔竄呼號慘滿目樓船連歲擾閩廣羽檄至今疲楚蜀
一官未補命磨蝸四海安歸身立鵠賈誼上書憂漢室杜
甫吞聲哭江曲幾時藉手報昇平盡掃機槍息蠻觸

立夏前一日雨中柬子壽用東坡微雪與子由同訪

王定國小飲清虛堂韻

江流遶岸鋪平沙戍樓鼓角朝開衙文書粗了須痛飲餞
春已到荼蘼花黃州移節過三載歸田無計官爲家乍漲
慣看溪浴鷺曉晴早盼林喧鴉近病臂指字敲側偶吐胸
臆詞滂葩故人投贈語鄭重技癢不啻煩梳爬腸瘦或因

飽細筍詩清詎爲嘗新茶連篇累牘和雜沓郵筒急遞門
頻搗稻梁俯仰足生計飛鴻遠渚休咨嗟西山寒谿有舊
約且呼小艇尋煙霞

和星齋隆福寺卽事韻

隊肅干官裏霜寒九月天揚鑣青嶂外迎蹕翠微巔夙有
煙霞契重叨侍從緣依光慙皓首高會領羣仙

藁城道中

秋霖日日坐愁城出郭今朝乍放晴禾黍郊原留半壁衣
冠父老拜雙旌苔荒野圃花無色沙齧長隄浪有聲水患
頻聞勞使節好籌良策慰蒼生

道光丙申余有畿輔詩傳之選梅樹君學博崔念堂
大令先後來郡實襄成此舉繼各因事別去于其

行也賦贈

紛來別緒太無端老我幾南滯一官未就勳名垂白早無
多著述殺青難陳編蠹蝕文防誤滄海珠遺意豈安河朔
英靈知不泯煩君到處訪叢殘

船山門下舊從游一瓣心香互唱酬鄉望早經推二老詩
名各自占千秋清官治譜傳山右仙尉家風屬蔚州道遠
肯忘金石契吟牋珍重附書郵

黃岡杜于皇祠

風微吳楚重遺篇變雅研尋意渺然薇采歌遙青史佚黍
離跡近白門遷歸來定有千年鶴生計曾無二頃田贏得
鄉鄰留社約梅花開日薦清泉

黃岡新建茶村祠鄉人每
於正月十七日祀之蓋其

生日

早春紀事

吹面微和換朔風九天閶闔敞瞳矐陽迴七日春占復雪
滿羣山歲兆豐早卜黃圖烽燄息旋看碧宇曙光融傳來
好語街衢徧要祝昇平四海同

狼奔豕突尙郊畿道路傳聞互是非原野蕭條郵騎少廟
堂鎮靜羽書稀貔貅猛已吞銅馬冰雪寒應透鐵衣猶自
園林樂鐘鼓有人伴食在黃扉

形勢金陵據上游梓桑時抱杞人憂空聞積甲屯瓜步未
見降旛出石頭讖應阿童樓櫓下功成楊僕檻車收東南
屢歲煩民力杼柚應歸善後籌

朱提費盡爲黃巾太息司農仰屋頻南服儲糧原有額西
園諧價豈無人量沙漫唱軍心固刻楮先籌國計貧指日

彭州集卷之二
千戈歌載戢好安耕鑿答皇仁

直廬卽事

一室跣趺學坐忘高槐古井欲生涼秋蟬也合傷遲暮不
噪朝陽噪夕陽

錢林字東生一字叔雅號金粟仁和人嘉慶戊辰進士

改庶吉士授編修歷官庶子有玉山草堂詩集

詩話金粟著文獻徵存錄蒐采勤審阮文達稱其綜覽經籍兼工詞翰下筆機速刻畧可待華實並茂之士此爲翹楚

笛思

斜日西樓笛思涼無端洗馬恨茫茫天涯卽在闌干外嶺
色江聲未是長

龍津鎮岸邊有竹樹邨落因以爲詠

乍迷酤酒徑試望支機津圓沙縈細篆澄波葺素鱗洲規
鶴卵小欄鬪鳴兒新花鳴皆藏艇茅齋似有人藥香叢布
水竹嫩粉捎春一廛儻寄此居然勝子真

劉嗣綰字醇甫一字簡之號芙初陽湖人嘉慶戊辰進

士改庶吉士授編修有尙綱堂詩集

詩話美初相門子年十二三學爲詩少作明豔後乃沈博排稟進爲清道駿厲而心力已衰詩分四十三集集各有小序可作年譜曾賓谷刊其詩郭頻伽序之謂其身世之榮悴心靈之感兆胥於是見而其辭能工足以傳矣

溫硯鑪歌

鑪爲邵文莊公故物刊江方君購得之置竹鑪菴中

二泉家世安樂窩二泉手澤龍山坡一鑪製就用溫硯胸

中別具鑪錘多汝從汝革卽用銘語變則化我行我法平無頗

氤氳祇許捧太乙清淨未肯皈維摩先生點易山之阿研

朱滴露供吟哦爐中水火亦旣濟坎離消息當如何歲寒
周旋到冰雪造化迴斡期陽和昆明灰起活火死欲息不
息生風波煙雲過眼泣鴈鶴雷雨脫手驚蛟鼉土花蝕紫
銅暈碧誰與一日三摩挲故山回首增滂沱風臺石磴空
藤蘿祗今淨室作清供光氣夜燭恆沙河竹爐相映有圖
卷石鼎突出無詩歌他時遺硯儻歸里墨池飛出山陰鵝

舟泊盤門

鴈鶻一聲響落帆城影圓花光橫水檻酒氣壓山船吳市
幾家鶴齊亭干樹蟬晚來纖月上留夢照嬋娟

佛音閣

春影如雲不入城平田一綠少人行野花都巳得禪意山
鳥半能呼佛名閒搨斷碑分蘚色愛凭虛閣借松聲等閒

小李開圖畫金碧過天上晚晴

醉後放舟焦山乘月而歸因賦長句

火雲燒山山欲焦船頭溼翠風蕭蕭孝然高卧喚不起洞
口瞥有仙人招孤筇入手凌山椒軒然傑閣開松寥天光
徘徊鶴雀喜水氣合沓魚龍驕是時江空初上潮淡白盡
處青爲繚鮫宮倒影晃金碧海上復見秦時橋碧城涼夢
來迢迢屏間枯坐茶煙消老僧欲定定不得波心一月如
珠跳倚闌何人橫玉簫金支翠旗紛蕩搖我疑混沌死千
載浮出郭墓青巋巋南宮之石不可標東坡之帶安可要
風流一替水天冷豈惜爲爾飛三蕉酒酣我亦迴蘭橈中
流恰遇湘妃朝一聲柔艣過江去鷗花鷺葉秋魂飄

秋江篇寄吳中諸故人

秋江鯉魚吹浪花秋江暮寒生綠紗闌干女兒小垂手挽
起元雲堆鬢鴉明妝寶幄開筵促估客纏頭錦千軸白項
老烏嗁向人恰似當年耳邊曲當年醉宿倡家樓就中尤
數青溪游溪流九曲一明鏡水晶簾額珊瑚鉤烏衣諸郎
白翎雀黎園子弟黃幡綽過江人物最風流縱飲高歌雜
談噓入門下馬氣吐虹座客謂我周盤龍我時坐上語不
發一飲欲盡三千鍾銀河翻空向身倒映我玉缸顏色好
酒星摇摇如勸人直喚麻姑下蓬島燭奴濃笑擎荷盤二
十四枝吹欲乾紅鐙須與滾簷角恰照高樓上絲竹秋空
四起響蜀絃元猿綠罷飛滿前此時素娥正悄悄欲落不
落西山巔當頭明月不可掇過眼悲風那堪摘美人可惜
盡如花一別雲端兩超忽扁舟飄泊橫江渚風月年年浩

無主夜來愁思落誰家自抱琵琶不知處吳絃續續彈楚
歌樓頭夜宴秋江多秋江嗚咽秋風波芙蓉醉倒顏微酡
少年不飲奈老何

積雪初盡晚晴忽開悵然成詠

雪盡江更空落帆橫浦側孤亭夕照裏一雁見風色買酒
歸路遙寒雲斂成夕渺渺野水橫荒荒岸煙直沙禽背船
飛見面不相識明月來未來前山豈能隔

留別歸雲草堂

離筵無歡容銀燭光不輝清歌旣宛轉妙舞亦葳蕤竹聲
一以破琴瑟滿堂悲主人送我出門外霜風吹倦馬足易
疲倦客身易衰風塵令人老僕僕將何爲

上元夕偕賓谷丈汎舟石湖登天鏡閣

石湖渾似鏡中過湖上風光漸綠波邨鼓不圓煙月冷寺
鐘先落水風多原知勝地宜耕讀且放新年入嘯歌淨業
合從居士證楞伽清梵夜如何

春陰詞

糊氣釀春春不流柳絲搖夢低汀洲東風衣袖卷煙霧十
里畫船如畫樓酒旗濛濛溼輕暝屋角梨雲白成影人間
還是養花天滿地花魂招不醒誰家簾閣春寒隔闌干吹
上相思色鏡裏分明墮晚愁盤鴉入手昏於墨

傍花邨看菊作短歌

傍花村上秋光妍離披晚菊搖霜天柴門水色繞籬落翠
竹蕭蕭相對仙飄然出城巾帶便先生杖頭無一錢青衫
如葉道旁顧瑟縮男兒蟲可憐哀蟿瘦蝶逢岸邊縱無落

英草亦眠何人解薦此寒綠一盞平山堂下泉畫船適來
聞扣舷吳姬泠泠彈蜀絃花枝不分照長夜安得東風重
放顛樓臺惘然落日前金碧畫圖成古煙笑攜卮酒醉歸
去紅樹與人誰少年

夜題

積雲成亂峯深黑攬月去林空四無影鳥夢墮鬼趣此時
風怒號葉散不復聚搔首叢百憂栖身接孤慮亦知天宇
曠但覺人生遽一杵城樓鐘荒荒破煙曙

張舸齋邀飲江上之臨東亭醉中賦贈

酒懷枯死渴不開江口怒捲濤聲來臨東亭前日澹澹將
水添入黃金杯江亭主人舊張緒岸柳留人不能去離情
搖動十年前寒綠鬚眉冷相聚飛雲履烏我倦游君尚逸

興凌滄洲橫圖卷出武夷色

君近自武夷歸繪圖索詩

呼吸石髓窮冥

搜君詩曲折寫清快縱筆還愁海門隘鶴聲一一飛上天

無數江豚下風拜驚濤腳底龜鼉奔拋珠濺玉不敢吞狂

颺吹落闌干唾恐有當年舊酒痕

錢儀吉字藹人號新梧又號衍石嘉興人嘉慶戊辰進

士改庶吉士歷官工科給事中有閩游北郭澄觀定

廬刻楮諸集旅逸小橐後橐

詩話衍石文端曾孫內行純篤治經史明融精博富
有纂述甘泉鄉人爲其從弟齊名稱二石詩託興高
遠造意密微絕無巉削深刻之迹而自遠於流俗集
中翻李杏邨詩謂子恆讀梅聖俞詩杏邨見子詩以
爲似梅片言中隱詩有云都官鬱奇節約氣爲深沈
人物皆飲羽隨風自鳴琴又云落筆自造意隻字防
前侵蓋卽自狀其詩境也

十月二十七日晡後過法源寺作

朝讀味古語夕出從世營兩端不一致曷見天地情商賤
激虛牝老圃凋霜英物情苦煎迫迅暑力與爭妄者死之
徒默爾慙將迎一日妄可去詎非一日生旃檀是何香鐘
磬亦無聲舊榻設猶是十年人事更悠悠積千古耿耿抱
寸誠春心喜潛復落木觀句萌

秋雨偶然作

達士感秋風愁人畏秋雨屢夕夢故人惻惻相慰語其聲
連哀蛩落葉雜悽楚覺來聽殘更歸魂響林莽輾轉意漸
平清味回千古乃知涼風佳賴爾滌肺腑稍稍動鄰鐘飢
烏啄檐瞻著屐杏邨來相從話農圃

芳川繞湘灘大山聳峨岷晴天望不見况兹晦冥辰望之
夫何爲中有平生親桂椒實同性縱檜但異身蕭穆閱歲

此詩系音圖卷一第...
三

序結轡懷遠人蓄疑無以析含意不得申何當策乘駟萬

里通雙輪

此篇有懷稱主
梅梁二君也

古人去已遠風采託簡編所託良可危至喻聞輪扁深思
出窾卻歷歷宛在前事外觀所尚遺音若相宣青山骨任
朽神理終緜緜長風知蘭芬烈火知玉堅貞居守窮巷跡
絕無炊煙沈沈秋雨中此意誰當傳

讀黎二樵詩

黎簡生盛世獨抱古憂患昨帆胸中山神工日鑿鏟到京
一宿去老死不期宦心孤蕩江海家貧賣林礪好色好山
水身擲煙露幻萬言立紙上雪明倚天劍富貴工俳詞相
視孰鵬鷄

潘功甫

會浙

禁詩數年近復有作寄此奉懷

功甫詩無字清息轉腸腑奧如中一徑水竹縈深阻我嘗
窺其藩穹煙淡遙佇頗疑此別派金華或初祖七年捐首
聲無絃亦不撫一夕天風還礪戶出宮羽兒童逐飴擔苦
柏畏噍阻政恐念溝中徒能作苦語

雜詩

初日上崑崙玉色皓天地我欲采其英萬里莫由致黃河
行中原終古爲患累去源日以遠濁浪日以恣探尋枉張
騫鑿空難任使終將移大山永爲東南蔽底柱而受鐫恐
非神禹意

立意常苦多成事常苦少成之亦已難復恐事非好長嘯
不周風撫几悲遠道遠道欲相從傷哉鴛伏阜再拜房星
精如何產騶裒

寄懷姚中丞南歸

去冬我罷官公聞款柴荆往還曾幾時久矣歲序更昨來
孟公所同攜景山鎗移牀暱就我數語肝膈傾知我嘗發
姦惜我不自明歌詩出騷雅結念餐落英勿爲外人道但
許賤子賡何以酬公知唧唧寒螿鳴大雪皓千里公馬方
南行三輔舊所治歡此時玉盈羊裘猶可識竹馬知來迎
滔滔江漢流慘慘鴻雁聲登櫟而椽蠹見之愴中情流亡
趨杭州萬人隘一城分郡爲之饑公私竭經營皇心軫吳
楚百爲仰深耕區畫當如何公抱濟世誠願諗良有司話
我東南氓條風散湖綠碧草洲渚縈攜孫試禮部此樂天
所令春回民熙怡身退心和平重招野雲叟一聽芳郊鶯

玉山寓樓作

好山當戶綠樹綠濃於山朝來盡失卻一白雲縈環問雲
何心出問雲何時還不晴亦不雨繚繞松竹斑久久飛不
去一帆度其閒帆行已杳杳雲住猶閒閒

白雲故可悅山中故可留堂堂汪端明遺蹟儻可求峨峨
白象岡惜未登其邱比鄰趙忠簡騎箕想同游放翁聽漁
唱何處南溪樓玉山美如玉冰溪無濁流嘯吟冷山趣水
石養性優所以章泉上昆弟偕白頭方齋與斗山曷不迴
華輦

晨窗染煙嵐夕枕響風澗客心在山川劇若遺芻豢山山
識之徧坐閱雲氣幻大雲騰馱馱小雲舞鵝雁連雲一匹
帛離雲雙角巾亦雨而亦晴悠悠七朝晏山下有舂子生
計恃罩汕何當從汝曹如許一舟辦芳草去天涯高樓更

迴盼

漢敦煌太守裴岑碑

勒燕然銘號良史緝熙納麓皆諛詞裴公紀文獨尙質四
郡蠲害乃立祠陽嘉元嘉數敗虜中間一捷誠出奇郡兵
辦賊尤大善何取虎符紛兩馳陳忠議屯策屢效山公名
言遠可思鐫功不假長史記考古誰拾章懷遺伊吾二石
此其一唐碑亦是漢碣爲不逢姜確天所佑埋沙晚出隆
厓屢遇岳將軍幕府致遭裘侍郎天下知張君寶此鎮行
篋六月懸壁哦新詩曹君爲言佳本抄親見巖屋鳴氈椎
風高地冷行迹絕墨漿凍結人飢疲十日一紙始完好不
爾描畫徒相欺細論俗體誤跟肘激賞古翠蟠蚪螭午窗
裴裒暑氣卻遠想雪落天西陲

雨後過龍樹院示粟公

髡柳夾車風，宛宛過雨新。涼碧陰滿扁舟，坐我平楚中。拂
戶窺簾光，不斷葭蘆鳴。葉似江洲桂，箭行根成町。瞳淺渚
喧投遠鳥，空雜花紅映。青山短道人，吳語相問訊。采菱江
南歌，不緩恍如鴉。軋中流，開各識荆扉。傍水款杪春，邀我
忽徂暑。人事牽率非獨嬾，吾皇精神與天通。驅龍爲霖反
枯旱，羽林東還歲有秋。竊祿端居得閒坦，凜冬看雪應絕
奇。莫畏噫氣號空窾。

宋帥初山水

峩峩特立三四輩，古賢巖廊聳冠佩。又如黑甲照黃池，右
軍一鼓強敵退。想當據紙般礪，贏不許藤蘿互鉤帶。使筆
如劔倚天外，是家淮南稱寓公。淮南山水無此雄，得非鄉

夢雲壑繞割太行脊來河東高居未免人迹絕我欲壁下
安茅蓬日日洗耳飛流中

裴山兄山水長卷嘉慶戊午秋自蜀之粵西學使任

江行舟中作兄女德容乞詩

蜀山如龍蜿以舒抱江入腹荆門趨纒連特起各殊狀凌
崖絕險懸城郭豈知潺潺雪浪千尺底旋風一葉飄鷗鳧
是時秋杪發成都沿江置驛通夔巫天寒潦盡灘露脊空
冷峽夜猿吟孤懷坡棹谷渺千載詩心鬱勃形諸圖桂林
歸來任益重整齊風俗煩馳驅太行中條西攬轡復跨嶺
嶠浮湘湖好山當前意不屬窮檐蒿目忙朝晡偶然走筆
應客請咫尺萬里無須臾猶有清涼五山染蒼翠寸忱自
竭登金鋪

辛未春兄寫五臺山圖進御行在

人間尋丈之卷那再得弱女

寶之二紀逾湯湯磊磊出胸膈白雲在天如可呼白雲在
天如可呼使我淚眼看模糊嗚呼此筆人閒無

三月十六日葆餘弟

慶善

招同筠麓杏村飲江亭

開門紫燕迎風語似說春深遽如許巷南數步如江村短
蒲綠卷風漪痕岑樓窗啟揖山翠走上塵中出塵地花好
須來樹下看酒香不惜鑪頭醉阿連爲予成此游人海招
要得二鷗環環百雉拓原野仰視天半雲西流當筵顛倒
造奇句爲君一吟消百憂零星舊事話前輩鄉里傳聞多
可愛鸞停鵠峙渺雲霄憐予飲啄尋丈內學道相期見肝
膈定心焉能逐煩碎留連徒倚憐餘春日月去人車轉輪
丁子香濃春百結高枝折得贈何人臨邛車騎翩翩至東
帶憐渠難適意君不見江家亭子年復年青山看老一尊

前

亭林先生小象

孤憤傷行邁，深密退藏急。徵辭海裔窮，士老咸陽陵。烏
纏哀切楹，書待後長至今。傳白眼氣貌鬱蒼涼。

寄懷繆十二丈

元益

喀什噶爾軍中

罷守從軍者，高情世不知。幘中求漢迹，馬後束陶詩。將略
傳聞異，人情在遠思。明駝六月雪，飢渴望歸期。

得輔宜弟書以予今年四十奉文端公書晉書良吏
傳遺墨畀予寶藏

數行手澤是官箴，策蹇安知駟影駸。微尙誓無移勺水，累
傳慣已斥簾金。摩挲一硯春雲迹，蕭瑟連牀夜雨心。何日
西堂尋夢去，讀遺書共傍蕉陰。

哀陳梅軒先生 增

餓死儒冠里黨悲篋中光氣又誰知程生緯史荀公簿陶
令休官謝述癡太液柳深春拂佩鍾離嵐翠晝揚旗蓋棺
豈意成今日一女長號義斂時 先生博學工文辭以進士
宰長陽得心疾歸遂窮餓
以死嘗依朱氏經義
考體例著史考未就

蔣少府 成 種菜圖

流連行見幾東風但恃長饒祿已豐寒日一畦沙海上清
齋三月雨聲中區疇得地分瓜芋早晚憑天付韭菘不分
長安種花手干枝火迫賞春紅

趙文敏桃花源圖

秦時流水晉時花寫到元時又幾家高士當年忘甲子空
山終古闕煙霞祖龍壁返春長在子驥舟尋路已除太息

鷗波接入境王孫芳草去天涯

簡李杏村弟

貽德

皎皎素絲無染塵温温良玉不如珉
長安爲客俄十載與子結交同一身
雜學盡通還盡棄數朝相隔倍相親
村醪著水鐙生霧陋室相從更幾人

題夢堂詩藁

馮文肅公
英廉著

清詞琢雪了無痕爲政風流憶北門
白燕雕梁遠泥滓黃花老圃淡琴尊
每懷湖海陰求士竟賣園亭已到孫
惆悵能詩張相國不教林下駐游軒

文肅獨往闔張文
敏得之尋卒於任

山行遣興

萬點青齊繞翠煙乍晴疑雨鬱蔥然
人家帶樹依山半嶽氣爲雲墮馬前
行旅自傷難遞跡野情差喜是歸年
澈湖

參黛如相遲日上重樓看海天

謁虞仲翔祠堂三十六韻

虞苑名猶昔訶林蹟幾湮草堂留肝蠻豐碣寫嶙峋倣擾
干戈會非常竹箭珍衰時才閒出疏步氣無倫擿策更夷
險吞爻悟屈伸本師田授孟諍友鄭兼荀河洛重淵祕乾
坤百戰塵蠻方銜和璧聾俗奏韶鈞守闕憎豺虎披文致
鳳麟兒曹恆結舌之子數批鱗失路從南郡牽絲憶富春
仙家排視肉寒素拾遺薪尉俊風沿漢申轅浼事秦中朝
虛坐久下邑徙官頻並騎甘降虜當途晒外臣轉聞嘲曼
倩旋見放靈均俗薄儒流賤心危骨相屯黎顏凋瘴瀉酒
膽鬱輪囷白鶴徒相羨青蠅未敢嗔荒隅潛講肄廢籍抱
忠誠晚詔窮兵悔皇天返葬仁竟邀雲翳掃肯使玉堅磷

野時新詩圖卷一 一百一十一
三

覈議尙書戮新言上相淪陸公還譴責吾粲劇艱辛咎考
連三事悽涼逮二陳嗟居无妄世同擲不貲身紫蓋俄歸
命金軒枉慶辰江東沈霸業嶺表頌經神暫以羈棲日來
游漲海濱問旂尋幻影埋照感斯人直道誠多忤殘編得
大醇世儒參隆緒疆吏舉明禋梁井堪爲釀唐池欲采蘋
徽猷存髣髴芭舞蕭遠巡獨往誰知己千秋德有鄰更傳
元祐學西笑望峨岷

樾庭弟至京夜話

瞿唐江峽桂林山已慣操心道路艱北上焉知苦霖潦店
門爭掩楚兵還
元年憶爾赴官初全盛門風逝不居白首朝饑兄弟散秋
鐙忍淚讀家書

心短正如汲智井事難常若上青天家風莫以艱危失猶

仗諸公器汝賢

竹農雅主梅梁諸君皆稱弟當官有守

憂來各瘦詎關貧相慰相扶勉卧薪况是奇荒今日擊臨
觴不御話流民

齊河橋

石闌迴倚水天遙落葉聲多馬不驕回首盧河下雄縣國
南門外第三橋

查元偶原名有筠字德敷號又山海甯人嘉慶戊辰進
士授刑部主事歷官御史有珩齋詩存

山行

我愛山居靜不耐山行喧山意豈有殊羈寂情自分谷深
棲夕月崖迴穿朝瞰辭翳石徑迷雨入嵐氣昏明霞燭溪

練灌木藏雲根巖花秀以野丹碧叢紛紜清輝亦可娛惜
哉非故園故園正清秋桂馥芙蓉殷何當白雲權言歸黃
葉村山中讀我書夙好良所敦

無端

塞北燕脂別樣紅無端吹影落江東蛾眉只合長漂泊錯
把丹青怨畫工

廣陵感舊示陳敏齋

茱萸灣北路三千遠浦濃春綠罩煙禪榻落花醒昨夢玉
簫明月奈當年平生意氣行空馬半世功名上水船差喜
元龍豪氣在凌雲好著一鞭先

雪夜

朔風吹彤雲寒色一庭滿霏霏六出花作瑞協瑤瑤鐙火

忽已夕重陰日苦短香壓萱花冷春入梅魂喚幽人感歲
晏悄然坐孤館平生松竹心雅宜冰雪盥誰令歌陽春坐
見知音罕山中獨高卧苦憶聯吟伴夜來江湖夢晨鐘忽
催斷聊當酌桂酒醺此白玉盃薰爐炳明燭妙曲聽緩緩
醉攬黑貂裘蒼茫吹翠管

寄都中諸友

問訊京華意惘然花枝酒盞憶當年舊人無復何堪在鄰
甕難尋畢卓眠芍藥錦屏春似夢海棠銀燭月曾圓司勳
憔悴江鄉冷笠雨蓑雲一釣船

蓼花和朱椒堂同年韻

水國西風釣叟家深紅淺紫冷生涯游龍耐得三秋老瘦
蟹扶來一桁斜冷雨豔留蘆荻岸殘霞涼縝水雲槎清霜

寒露楓江晚此是芙蓉結伴花

諸泥歌

諸泥質似玉色似墨圍三尺四寸強厚一寸弱白金裏其邊鑄變理陰陽隸字四古錦爲囊重襲之當晴霽時取以觀日極赤無芒可諦臚也囊面有明董墨林隸書云此物出扶桑國之蕊陽山數千載受日之精凝結而成故惟日光可洞達古人用以察日之祿祥且辟疫有神效眞希世之寶也歌以紀之

蕊陽之山何亭亭中含太古元冥精非石非玉光晶熒洞見皎日金烏形昔堯命羿射曜靈九華晃昱眩目睛羲仲暘谷貢厥瑛柱矢一發搏桑清流傳百世等球琳祓除魃魅冰鏡澄燮理陰陽疇勒銘民無天札底太平方諸空含月魄盈陽燧徒襲爨火明何如諸泥視不瞬但覺臙脂紅暈玉盤頰應侶璇璣明堂登九如爰祝日之升扣盤捫籥嗤羣盲目無私照常見黃道行

怡雲樓

我生也有涯怡情惟澗谷既闢一廬居還愛二分竹何以
伴此君庭宇秀花木築樓倚高梧秋光壓欄綠小亭環石
徑蘚痕繚而曲峯隅隱碧桃籬畔散黃菊軒光寫月容廊
迴射霞旭心曠得天游邈與清景逐不堪持贈君獨寐矢
藹軸孰來數晨夕白雲檐際宿

茅潤之字松坪丹徒人嘉慶戊辰進士官內閣中書有
挹清閣詩集

夏日九華山居

試鐙時節此攜筇又見山榴次第紅五月涼生新雨後一
庵僧坐綠雲中篁抽尚怕跳枝鼠梅熟先尋附核蟲老懶
竟須常晏起安排枕上聽黃公

棲賢看梅

君不見西湖古梅天下無
逋仙手種三百株
詩人騎鶴去已遠於今空剩孤
山孤又不見羅浮梅市夙奇絕
縞衣仙人絳珠節自從兵燹入深林
翠羽飛歸無處歇我來吳興春正寒
放棹暫入城西山山環水曲人跡斷
唯有修竹青漫漫竹疎驀見巒頭白
疑是堯年陳雪積融風吹送艾納香
始識身游眾香國湖人種梅爲賣錢
瓊瑤千頃栽成田花開花落人不問
無意而得甯非天村行遙遙十餘里
十里游蜂喧不已繽紛飄落帽檐敲
不識花蹊何處止昨經鄧尉梅未開
舟中把酒空徘徊蒼皮合抱那有此
卻夢香海胡爲哉村童引我棲賢路
此去繁襄更無數山深月黑竟須歸
記取漁篙入山處

秋日偕吳嘯秋宿八公洞

爲愛蒼苔繞澗生，旋移湘簟與楸枰。
野禽飛過葉徐墮，茶客夢醒鐘亂鳴。
月上漸生叢樹影，泉微不掩暗蛩聲。
山居三宿無他美，只覺心如止水清。

湖行以船爲家信棹所之不計里數殊自適也

何須捷徑訪津梁，信意游行任野航。
風或打頭留亦得，舟同行腳住無常。
閒從西蔡穿東蔡，好在山鄉卽水鄉。
消夏灣頭始停棹，荷錢已作碧筒香。

晚晴簃詩匯卷一百十九終